

宛陵先生集

六

宛陵先生集

PDG

宛陵先生集目錄卷第二十五

送謝寺丞及第

苦熱

和廷老三月十四日

劉薛二君過予

荅宗說遺冰

劉殿丞通判建州

和中道伏日

和蔡仲謀苦熱

儼上人粹隱堂

送鄭都監瀛州

送刁安豐

劉八飲將散

贈張處士

將行與仲謀

荅裴送序意

和應之晚景

送楊秘丞入蜀

乙酉六月二十一日

聞永叔喪女

寄謝開封薛宰

草木

夢登河漢

寄宋次道中道

日蝕

寄王江州

薛九請賦山水字詩

七夕有感

過開封古城

通判桃花廳

許州起慶曆五年秋六年夏

任廷評歸京

和通判雞冠花

秋夜感懷

和通判招翫月

蚯蚓

秋風

韓寺丞通判鄧州

韓欽聖問西洛牡丹

夢感

秋鴈

和通判有寄

曹承制知永康軍

三鳥

龍箕

目錄終

曹承師咏木

曹承師咏木

葵風

葵風

韓愈聖問西

韓愈聖問西

葵風

葵風

咏木

宛陵先生集卷第二十五

宋宛陵梅堯臣聖俞著

送謝寺丞新賜及第赴扶溝宰

世所重登科如君特才選
麗賦驚宗工妙譽動京輦
行鷁路非遐雙旗風欲展
聊閱民版餘應不負墳典

和李廷老三月十四日

三月日幾望士游溱水陽
溱流已渙渙有美此翱翔
偶來適此願月色同蒲牀
士曰陟少室女

曰歸大梁及晨各異役悲喜竟回腸芍藥有遺
風贈好期不忘固匪子能逮是焉繼新章

苦熱

赤日若射火林風不動梢羸汗尙流沛冠服豈
堪包貴人諒有稟慣習非強教竊觀行車馬坐
蕩劇煨炮寧思山中人石泉浸兩髀

劉薛二君過予遇雨

猛雨迫好鳥止我屋室隅是時有劉薛亦旣此
焉俱我廐秣爾馬我厨飯爾奴二人乃可語因

觀爾馬圖古筆得神妙俗工非所模收圖雨且
止鳥飛當駕驅

荅廷評宗說遺冰

仲夏邁餘閏屋室如炊蒸孰云窮處者言贈太
官冰時靡有暍死實亦賴友朋定能涼一席旣
已却青蠅吾心久自信飲已不以矜

劉牧殿丞通判建州

平生交游少海內寡與期識君且恨晚一見已
將離人言何嗟別曾此非舊知借曰匪我舊亦

既接音詞譬彼空林鳥止息偶同枝忽有振翮
去尚爾鳴聲悲我今臨流送安顧俗所爲

和中道伏日次韻

伏日每苦熱古來亡事侵嘗聞東方朔割肉趨
庭陰百職當早罷將畏赫日臨我無歸遣人懷
念空霑襟

和蔡仲謀苦熱

大熱曝萬物萬物不可逃燥者欲出火液者欲
流膏飛鳥獸其羽走獸獸其毛人亦畏絺綌况

乃服冠袍廣屢雖云託呼風不動毫未知林泉
間何以異我曹蠅蚊更晝夜膚體困爬搔四序
苟迭代會有秋氣高

儼上人粹隱堂

十年不出戶世事皆剗鋤時無車馬游焚香坐
讀書有堂曰粹隱惟見安且舒心遠迹非遠歲
月速輪輿寓目暫爲實過者卽爲虛譬若開是
室終日於此居欲問昨日事已覺今日踈明朝
却視今復與前何如聊悟此中樂猶觀濠上魚

送鄭太保瀛州都監

秋氣入關河匈奴久已和
凋弓聊可試寶劔不
須磨草木將搖落牛羊自寢訛
能知塞垣景持
以贈吾歌

送刁安豐

嘗游芍陂上頗見楚人爲水有鳥魚美土多薑
芋宜寧無董生孝將奉叔敖祠舊令乃吾友寄
聲於此時

劉八飲將散分得非休沐不得會

閏五

月晦日

君非休沐時茲會豈能得我無官局縈幸爾預
歡適莫辭衝雨歸歸時烏帽側

贈張處士

聞爾閑於琴寢處未嘗輟抱之京師來豈與工
師列一奏流水聲落指鳴央央旣曰林壑人安
事塵土轍

將行與蔡仲謀飲分席上果得桃

曾無千歲人安見千歲實聊效昔所投瓊瑤報

非一

荅裴送序意

我欲之許子有贈爲我爲學勿所偏誠知子心
苦愛我欲我文字無不全居常見我足吟詠乃
以述作爲不然始曰子知今則否固亦未能無
諭焉我於詩言豈徒爾因事激風成小篇辭雖
淺陋頗尅苦未到二雅未忍捐安取唐季二三
子區區物象磨窮年苦古著書豈無意貧希祿
廩塵俗牽書辭辯說多碌碌吾敢虛語同後先

唯當稍稍緝銘誌願以直法書諸賢恐子未諭
我此意把筆慨歎臨長川

和張士曹應之晚景

遠空雲解駁南陌雨初收獨鳥去烟外斜陽明
樹頭涼飈虛枕席漲滂起汀洲會有從軍役將
離更暮愁

送楊浩秘丞入蜀

有才不得試志亦無所干有母不得養法當之
遠官雖曰在民政孝心寧得安志願且未遂而

趨蜀道難行思叱馭者勿復苦長歎

乙酉六月二十一日予應辟詐昌京師
內外之親則有刁氏昆弟蔡氏子予之
二季友人則胥平叔宋中道裴如晦各
携肴酒送我于王氏之園盡懽而去明
日子作詩以寄焉

性僻交游寡所從天下才今朝誰出祖親戚持
樽疊晚節相知人唯有胥宋裴所欠謝夫子歸
穰尚未迴岸傍逢名園繫舟共徘徊嘉蓮如笑

迎照水呈丹顙南庭葡萄架萬乳纍將碇群卉
競瑣細紫紅相低偃尋常固邂逅孰辨落與開
酒闌各分散白日將西頽城隅遂有隔北首望
吹臺

開封古城阻淺聞永叔喪女

去年我喪子與妻君聞我悲嘗俛眉今年我聞
若喪女野岸孤坐還增思思君平昔憐此女戲
弄膝下無不宜昨來稍長應慧黠想能學母粉
黛施幾多恩愛付涕淚灑作秋雨隨風吹風吹

北來霜我袂哀樂相恤唯已知自古壽夭不可
詰天高杳杳誰主之以道爲任自可遣目前况
有寧馨兒

寄謝開封宰薛贊善

予生多不偶事事相與背適從平川役乃遇河
決潰舟膠在中野寸步使心痠誰知赤縣尹勤
恤每外內文符飭亭長冠盜虞鼠輩仍能饋餅
餌童稚仲所賚今又置酒壺惠問亦已再令我
清夜飲是夕值月晦獨酌効謫僊而復無影對